

В.Т. Чисталев нима культура колледж
Коми Республикаса уджсикасö велöдан канму учреждение
«С.Я. Маршак нима Коми Республикаса челядълöн национальной
библиотека» Коми республикаса канму сьöмкуд учреждение

«Коми гижысьяс – челядлы»

Альберт Егорович Ванеев



Сыктывкар
2024

Ванеев

Альберт Егорович

(1933-2001)



«Ванеев – миян классик, и кымын водзö, сымын
ясыджыка тайö лоö тыдалана»

В.В. Тимин

Альберт Егорович Ванеевлӧн олӧм да творчество йылысь



Альберт Егорович Ванеев чужис 1933-ӧд воын сора (июль) 18-ӧд лунӧ Коми АССР-са Удора районын Буткан сиктын, колхозын уджалысь семьяын. Мамыс кувсис вӧдз и вит челядь колины Егор Яковлевич бать вылӧ.

1941-ӧд воын пырис велӧдчыны Косланса шӧр школаӧ. Буретш тайӧ школаын велӧдчигӧн и заводитчис сылӧн гижан ордымыс. Квайтӧд классын тӧдмасис Владилен Васильевич Крюковкӧд, коми кыв да литература велӧдыськӧд. Владилен Васильевич лӧсьӧдіс школаын «Удораса пионеръяс» литературно-творческӧй кружок, кӧні Альберт Ванеев заводитіс гижны кывбуръяс. Ассьыс медводдза кывбуръяс Ванеев йӧзӧдіс 1949-ӧд воын «Войвыв кодзув» да «Том гӧлӧсьяс» журналын.

Школа помалӧм бӧрын Альберт Ванеев пырис велӧдчыны Коми канмуса педагогика институтӧ коми кыв да литература юкӧнӧ. Велӧдчӧм бӧрын кык во служитіс армияын. Воӧм бӧрын недыр кад уджаліс «Войвыв кодзув» журналын. Республикаса журнал да газет лист бокъяс вылын пырджык петавлісны сылӧн кывбуръяс. Медся буръяссӧ вӧлі бӧрйӧма «Ме чужи Войвылын» («Я родился на Севере», 1960) медводдза кывбур сборникӧ. 1961-ӧд воын пырис уджавны СССР-са наукаяс академиялӧн Коми кыв, литература да история юкӧдӧ научнӧй сотрудникӧн. Дыр кад чӧж уджаліс Кыв, литература да история институтса литература да фольклор секторын. 1965-ӧд воын А. Ванеев пырис Коми республикаса гижысь котырӧ.

Альберт Ванеев унджык гижис да йӧзӧдіс ассьыс кывбуръяссӧ гырысьяслы, но сідз жӧ лэдзис ичӧтъяслы вит небӧг, кӧні бура петкӧдліс Коми му, чужан вӧр-ва да сәні олысь зверь-пӧткаӧс, зіль да уджач войтырӧс. Тайӧ – кывбуръяс, кывбура висътъяс, поэмаяс да нӧдкывъяс. Челядьлы медводдза небӧг гижысьлӧн петіс 1962-ӧд воын.

А. Ванеев – нималана вуджӧдчысь. Сійӧ вуджӧдіс коми кыв вылӧ А. Дантелысь, Б. Микеланджелолысь, Ф. Петраркилысь да У. Шекспирлысь сонетъяс, а сідз жӧ Е. Баратынскӧйлысь, С. Есенинлысь, А. Фетлысь, А. Пушкинлысь да ськӧд ӧти кадӧ олысь коми да СССР-са мукӧд республикаса гижысьяслысь кывбуръяс. Альберт Ванеевлысь гижӧдъяс вуджӧдӧма латыш, эст, украинаса, беларус, грузин, казах да финн-угор кывъяс вылӧ.

Альберт Егорович Ванеев – Коми АССР-са культура нимӧдана уджалысь, Коми Республикаса нималана поэт. 1968-ӧд воын сылы вӧлі сетӧма «Зонкаяс йылысь баллада» да «Лун шӧр» чукӧръяссысь Коми комсомоллысь премия. 1980-ӧд воын «Талун асылыс сӧдз» кывбур чукӧрысь поэт лоис И.А. Куратов нима Коми АССР-са канму премия лауреат босьтысьӧн. Кувсис Альберт Ванеев 2001-ӧд воын ӧшым (декабрь) 12-ӧд лунӧ Сыктывкарын. 2007-ӧд воын гижысьлӧн чужанінын, Буткан сиктын, мунісны Ванеевлы сійӧм республикаса медводдза лыддысьӧмъяс, а бать-мам керка вылӧ ӧшӧдӧма казтылан пӧв.

Валентина Ульяновалөн казтылёмьясысь юкөн

Куим ёрт чужлёмаось 1933 во: отиыс июль 18-өд лунө, модыс сентябрь 21-өд лунө, коймодыс - ноябрь 9-өд лунө. Отиыс Мозын вылысь, а кыкыс Вашка вылысь. Кыдзи тайö юясыс отлаасьоны, сідзжө отлаасисны кык ёртыс коймодыскөд. Медся ыджыд арлыднас и тушанас Буткан сиктса зон Альберт.

Война кадö воис Важгортö Ваневьяслөн семья. Детинкаыс пырис 5-өд классö велөдчыны, лоим ми одноклассникьясөн. Альберт велөдчис «отлично» вылө, зэв öдйö ёртасис ныв-зоньяскөд. Гижышта öти серамбана вöвлөмтор. Көть и муніс война, ми, пионерьяс, нуөдİM ыджыд удж. И сборьяс дырйи йөктİM «общöй». Сійö миян вашкаса ворсөм. Öнi сөмын аддзан сцена вылысь, да и оз сідз нин йөктыны, оз ставнас. Ми кутİM йөктыны, корим и Альбертöс, а сійö оз куж. Ми шензям-сералам. А медся ёна сералим сылөн низкөй упаки вылас (гын сапөг чөртөг). Альберт оз лөкөдчы, сөмын миянкөд нюмьялө, сэтшөм сылөн небыд сьөлөм. Важгортын найö эз дыр овны, батысь босьтисны уджавны мөдлаө.

Мөд ёртыс - Борис Петров. Сыкөд ми помалим Важгортса школа и мөдөдчим велөдчыны Сыктывкарса педучилищө. Педучилищө пырис велөдчыны и Альберт. Альбертлы вöлі сьөкыд «2» пöлучайтны, сійö öд отличник! Шогсьөм борын муніс бөр гортас и пырис велөдчыны Косланса школаө. Тани велөдис Владилен Васильевич Крюков - енбиа гижысь, кывбурьястө гижис рочөн и комиөн. Школаын велөдис гижны кывбурьястө челядьöс. Котыртис литературнöй кружок. Лэдзисны «Удораса пионерьяс» литературнöй сборник, көнi петалисны велөдчысьяслөн кывбурьяс. Бөрнас татысь петисны гижысьяс: Борис Палкин, Леонид Палкин, Анатолий Афанасьев, Валерий Муравьев, Альберт Ванев, Юрий Васютов.

Колисны вояс. Ми помалим велөдчыны. Коркө нывьяскөд мөдөдчим институтö шойччан рыт вылө. Сэни ми аддзысим Альберткөд, здөрöвайтчим.

- Тэ ньöти абу вежсьöмыд.

- Тэ вот ёна быдмөмыд.

- Ме таво быдми.

Медводдзаысь ме казялі, кутшөм мичаось сылөн синьясыс, мичаа вöлі пасьтасьöма, галстукөн. Альберт уна нывлысь косьтис сьөлөмсö.

- Кытчö мөдөдисны?

- Важгортö. Но ме зэв ёна көсья пырны велөдчыны пединститутö.

- Но и бур.

Сэсся юксис мекөд аслас мөвпясьөн: чайта водзö велөдчыны Москваын гижысьö. Ветлөдлім сыкөд зал кузя, видзөдлім «Почёт пөв», көнi красуйтчö вöлі Сталинскöй стипендиатлөн портрет. Альберт вöлі пыр повышеннöй стипендиат: куратовскöй, сталинскöй.

Сэсся сыкөд аддзысьлывлім «Коми книга» гажьяс вылын. Пыр и шмонитлывлім: «Альберт, кор нö ме йылысь гижан кывбуртö?». Сөмын серөктыштас да көсьыссяс. Эз удит гижны, сылөн уна мукөд удж вöлі. Альберт Егорович Ванев - Народнöй поэт, гижис да лэдзис 20 поэтичesköй сборник, Коми АССР-са, Куратов нима и Комсомол нима премияса лауреат, СССР-са гижысьяслөн Союзö пырысь, Коми Республикаса заслуженнöй уджалысь. Альберт Егорович абу сөмын енбиа гижысь, но и учёнöй, КНЦ УрОРАН-са научнöй сотрудник, «Коми республика» 3 тома энциклопедия дасьтысь.

Ме ёна шензя и некор ог дугды шензыны, мый та мында вермис вöчны öти морт. Альберт Ваневлөн вöлі Енсянь талант, и олөмас сійö колис паськыд да югыд ордым. Оз вунөдны сылысь нимсö Косланса да Бутканса библиотекаяс, чужан сиктас налөн керка вылын эм память пөв, 2007-өд восянь Удора районын мунöны Ваневскöй лыддысьöмьяс. Таво Альбертлы эськө тырис 90 во. Но тайö мусö сійö энөвтiс 2001-өд вося декабрь 12-өд лунө.

Зэв жаль, мый куим ёрт ог нин аддзысьлөй. Альберт да Борис водзджык мунісны мөдар югыдас, шоныдін да небыдін налы. Жальöсь найö меным сьөлөм доймытөдз. А таво миян тырö 90 во. Ми война дырся челядь, ачыс олөмыс ёнөн вöчис миянöс, эг сетчöй нинөмлы.

Йöзөдöма: Валентина Ульянова: «Куим ёрт йылысь» // Выль туйөд. – 2023. – Март 3-өд лун.

А. Е. Ванеевлӧн челядлы гижӧдьяс

Йӧра : поэма / Альберт Ванеев ; [серпасалис В. Г. Игнатов]. – Сыктывкар : Коми книжнӧй издательство, 1962. – 14, [1] лист бок : серпас.

Ми олам сиктын : кывбурьяс / Альберт Ванеев ; [серпасалисны: Р. Н. Ермолин , М. П. Безносков]. – Сыктывкар : Коми книжнӧй издательство, 1963. – 15, [1] лист бок : серпас.

Лось Васька : поэма / Альберт Ванеев ; [серпасалис А. В. Мошев]. – Сыктывкар : Коми книжнӧй издательство, 1968. – 12 лист бок : серпас.

Йӧра : поэма / Альберт Ванеев ; [серпасалис А.В. Мошев]. – Сыктывкар : Коми книжнӧй издательство, 1987. – 16 лист бок : серпас.

Кокни бордья лым чирьяс : кывбурьяс, кывбура висьтъяс, нӧдкывьяс / Альберт Ванеев ; [серпасалис В. А. Клейман]. – Сыктывкар : Коми книжнӧй издательство, 1996. – 62, [1] лист бок : серпас.

Йӧра. Лось Васька : поэма / Альберт Ванеев ; [серпасалис А. В. Мошев]. – Сыктывкар : АУ РК Редакция журнала «Арт», 2011. – 23 лист бок : серпас.

Бадь пу пӧлян : кывбурьяс, нӧдкывьяс / Альберт Ванеев ; [серпасалис Г. Н. Шарипков]. – Сыктывкар : Коми Республикаса гижысь котыр, 2018. – 29, [2] лист бок : серпас.

Еджыд мойд : челядӧн серпасалӧм кывбурьяс = Белая сказка : стихи в рисунках детей / А. Е. Ванеев ; Администрация МО МР «Удорский», Представительство МОД «Коми войтыр» в Удорском районе, ММУК «Удорская ЦБС», Центральная библиотека им. А. Е. Ванеева ; составитель С. А. Жданова ; вступ. сл. Е. В. Козловой. – Сыктывкар : Коми республиканская типография, 2021. – 52 лист бок : серпас.

А. Е. Ванеевлӧн олан туй да гижӧдьяс йылысь

Писатели Коми АССР : справочник / сост. Г. И. Торлопов. – 2-е изд. – Сыктывкар : Коми книжное издательство, 1970. – 262, [1] с.


Энциклопедический словарь школьника. Коми литература / ИЯЛИ Коми науч. центра РАН, Коми респ. дет. библиотека им. С. Я. Маршака ; сост.: В. Н. Демин, В. Н. Головина. – Сыктывкар : Коми республиканская детская библиотека им. С. Я. Маршака, 1995. – 366, [1] с. : портр.

Альберт Егорович Ванеев : биобиблиогр. указ. / Нац. библиотека РК, Отд. краевед. и нац. лит.; сост.: Е. Г. Нефедова, И. Г. Жукова. – Сыктывкар, 2008. – 156 с. : ил., портр.

Писатели Коми : биобиблиогр. слов. : в 2 т. Т. 1 / ГБУ РК «Нац. библиотека Респ. Коми», ФГБУН «Институт яз., лит. и истории КНЦ УрО РАН». – Сыктывкар : Анбур, 2017. – 627 с. : портр.

Памяти Альберта Егоровича Ванеева : автобиография. – Арт. – 2003. – № 1. – С. 49–57.


Йӧра



Гӧститны.

1962 воын Альберт Егорович Ванеевлӧн петіс челядьлы коми кыв вылын «Йӧра» медводза небӧг. Серпасьяссӧ дасьтіс Василий Игнатов.

Поэмаын петкӧдчӧ вӧрса пемӧслӧн – Васька нима ичӧтик йӧралӧн олӧм. Сійӧ ичӧтӧн коли ӧтнас. Ловйӧн кольны сылы отсалісны бур сьӧлӧма пӧрысь морт да сиктса челядь. Быдмыштіс Васька да тӧдмасис вӧлявивса йӧраяскӧд. Но эз вунӧд бур йӧзӧс да пыр волевліс сиктӧ



1968 воӧ петӧ «Лось Васька» небӧг роч кыв вылын. Поэмасӧ вуджӧдісны Валерий Мартынов да Михаил Соковнин.

А 1987 воӧ Коми небӧг лӧдзанінын петӧ коми кыв вылын йӧра йылысь мӧд небӧг. Кыкнан небӧгсӧ мичаа серпасалӧма Аркадий



Мошев, Коми Республикаса нимйӧза серпасалысь.



Серпасаліс В. Г. Игнатов

Йӧра



2011 воын выль пӧв петіс ичӧт класса велӧдчысьяслы «Йӧра» небӧг. Йӧзӧдӧма сійӧс «Арт» журналлӧн «Гижысьяс – челядьлы» проект серти. Небӧгас пыртӧма поэмасӧ кыкнан кыв вылын. Кыдз и воддза петасьясас кывбурсӧ мичмӧдӧма серпасьясӧн, кодьяс отсалӧны восьтыны гижӧдыслысь сюрӧссӧ.

Роч кыв вылӧ вуджӧдіс Валерий Мартынов.

Поэма «Йӧра» заводитчӧ тадзи:

Шань да югыд тувсов лун,
Мелі шондіyslӧн нюм.
Весиг пипу кор оз вӧрззы,
Быттьӧ узыӧ турун сі.
Ньӧжйӧ вӧсьлалӧны вӧрті
Йӧра-мам да сылӧн пи.

Вот и к нам пришла весна.
Всюду роща зелена.
Листья замерли. Всѣ тихо.
Лишь вдвоѣм среди осин
Пробираются лосиха
И еѣ лосѣнок-сын.



Серпасалис А. В. Мошев


Ми олам сиктын



1963 воын Альберт Ванеевлөн петіс ичөт войтырлы «Ми олам сиктын» мөд небөг, кытчө пырис дас куим кывбур.


Тайө кывбур чукөрысь лыддысьысь морт төдмалас, мый сійөс кытшалө во гөгөр: тувсовья өшкамөшка, потшөс вылын кузь бөжа сырчик, ярьюгыд шонді, турун пуктөм, градыв да вөрса озырлун, зарни ар, лунвылө лэбысь турияс, төвся вөр.

Мичмөдоны небөгсө Рем Ермолинлөн серпасьяс, кытысь ми аддзам бөрдьсь-няргьсь Кимөс, шонді петөм, кыр вывсянь зонпоснилысь ислалөм.



Серпасалис Р. Н. Ермолин

Кокни бордья лым чирьяс




1996 воын Сыктывкарын петіс Альберт Ванеевлөн «Кокни бордья лым чирьяс» выль небөг, кытчö пырисны кывбурьяс, нöдкывьяс да куим висьт.

Альберт Егорович пыр көсйис, мед ичöт челядь – зонкаяс да нывкаяс – лыддысисны комион да гижис налы ичöтик кывбур-висьтъяс.

Небөгас пырис 43 кывбур. Найöс гижöма кокни кывйөн, көні петкөдчö Коми му радейтöм, чужан вөр-ва да сэнi олысь зверь-пöткаöс видзöм-дöзьöритöм, зиль да уджач войтырöс пыдди пуктöм.

«Ичöт вокöй, тöдмав, ноко...» – таdzi шусьö нöдкывьяса юкөн. Танi гижысь вöзйö челядьлы тöдмавны ылавыв петкөдчöм, сёйöм да сиктса олöм-вылöм йылысь нöдкывьяс.

Нöшта öктöдас пырис куим кывбура висьт: «Биа нёв», «Шурик да Шарик», «Йöра».



Серпасалис В. А. Клейман

Бадь пу пöлян



2018 воын петіс «Бадь пу пöлян» небöг.
Лэдзис сійöс Коми Республикаса гижысь котыр.

Небöгас пырисны челядьлы гижöм кывбурьяс да нöдкывьяс. Гижöма найöс кокни, гöгөрвоана кывйöн. Быд лист бок вылын лöсьöдöма серпас.

А. Ванеев кывбурьясын петкöдчö войвывса челядлöн олан сям, налöн быдлунья тöжд-мог, гижысь велöдö ёртасыны да пыдди пуктыны öта-мöдсö, радейтны коми парма.


«Ичöt вокöй, тöдмав, ноко...» юкөн отсалас сöвмöдны ныв-зонлысь юр-вем.
Гижысь нöдкывьясас дзевöма ичöt зонпоснилы тöдса да гöгөрвоана кывьяс.

«Мунас-мунас – мудз оз шед,
Вундас-вундас – вир оз пет» (Пыж)

«Кöть и китöм, кöть и коктöм, -
Кытчö ыстан, ветлас-локтас» (Письмö)

«Эмöсь бордьяс, но оз лэбав.

Кокыс абу, но зэв тэрыб» (Чери)



Серпасалис Г. Н. Шарипков

Еджыд мойд



2021 воӧ «Еджыд мойд. Белая сказка» небӧг лэдзис Удора районса А.Е. Ванеев нима шӧр библиотека.

Ӧктӧдас пырисны А. Ванеевлӧн коми да роч кыв вылын бӧрйӧм гижӧдъяс. Роч кыв вылӧ вуджӧдӧсны Геннадий Фролов, Андрей Расторгуев, Алексей Смольников да Александра Решетова.


Кывбуръяссӧ да «Йӧра» нима поэма мичмӧдӧсны «Лыддысьны радейтысьяс» (Увлеченные чтением) районкостса

челядьлӧн фестивалълса «Челядь серпсалӧны кывбуръяс» нырвизыын вермысьяслӧн медбур серпасъяс.


Кывбур «Еджыд мойд» заводитчӧ тадзи:

«Му весьтӧ ӧшъяс сзъдӧм вой,
И вӧр-ва ланьтас-чӧлас,
И синъяс водзын еджыд мойд,
Кор арсянь вуджам тӧлӧ...»


«Когда бездонны небеса
Над спящею землею
Сырая осень в полчаса
Становится зимою...»



«Сюрюз»
Доронина Екатерина, 8 лет
п. Усогорск



«Зимнее утро»
Першин Роман, 15 лет
п. Благооево



«Мини вои»
Юшва Ксения, 8 лет
п. Усогорск

Серпасалӧсны Удора районса челядь

83.3(2Рос=Коми)

B17

Составитель:

Петчина Т. Д. – студентка 3 курса специальности Библиотекосведение ГПОУ «Коми республиканский колледж культуры им. В.Т. Чисталева»

Редактор:

Камбалова Л. Н. – заведующий отделом краеведения и коми литературы ГБУ РК «Национальная детская библиотека Республики Коми им. С.Я. Маршака»

Оформление:

Геркиял Е. Н. – гл. библиограф ГБУ РК «Национальная детская библиотека Республики Коми им. С.Я. Маршака»

Источники фото:

Фото на обл. – [Альберт Егорович Ванеев] : фотография. – Изображение : электронное // Журнал «Регион» : [сайт]. – URL: <https://ourreg.ru/2023/07/01/albert-vaneev-rojet-i-uchenyj/> (дата обращения: 01.04.2024).

Фото на с. 2. – [Альберт Егорович Ванеев] : фотография. – Изображение : электронное // Российский писатель : Союз писателей России : [сайт]. – URL.: <https://gospisatel.ru/vaneev-90.html> (дата обращения: 11.04.2024).

Фото на с. 3. – [Альберт Егорович Ванеев] : фотография. – Изображение : электронное // ГБУ «Национальная детская библиотека Республики Коми им. С.Я. Маршака» : [сайт]. – URL.: https://www.ndbmarshak.ru/page/levoe_menju_chuzhan_mu_pisateli_komi_detyam_v_vaneev_albert_egorovich/ (дата обращения: 11.04.2024).

B17 Альберт Егорович Ванеев : комплект плакатов : на коми яз. / Коми республиканский колледж культуры им. В. Т. Чисталева ; сост. Т. Д. Петчина. – Сыктывкар, 2024. – (Коми писатели – детям).

6+

Коми республиканский колледж культуры им. В.Т. Чисталева, 2024

